

燕

岩

十二

燕

岩



火



熱河日記目錄

銅蘭涉筆



燕岩集

外集

熱河日記弓二十六

銅蘭涉筆

余訪俞黃圃世琦硯北置文石硯屏屏前有蘭一本
諦視則銅鑄也鳳眼迎風紫穎汎露真竒造也余為
借數日丁之所寓東壁下扁之曰銅蘭齋

乾隆四十一年丙申琉球使臣呈文禮部求去具呈
琉球國正使耳目官向崇猷都通事毛景昌為乞順
夷情早賜遣歸事崇猷等奉王命恭逢乾隆三十九
年知貢典蒙福建撫昌給發兵牌勘令沿路護送前
未近於上年十二月初一日抵京恩準隨班行禮及

朝賀元朝令節則小邦末員得近天顏加以賞給廩
餼敵等感激無地茲公務已竣空閑守居琉球地屬
海外往來全憑風帆此時回國正値其候但敵
等來京時逢隆冬河凍結冰不得不由王家營一直
起旱而來現今返棹時值仲春風和地暖正可起程
合情叩懇大人仰體皇上撫綏至意俯鑑遠人體照
前例恩準由旱而至濟寧登舟而歸理應預先呈明
大人臺下迅賜奏請勅書併閱兵部填給勘合恩賜
折二月初內敵等聽候遣發寔為恩便千秋戴德切
呈乾隆四十一年正月二十四日具呈云其自叙直
而情辭婉切此出塘報舊紙今番我使數番呈文當

出塘報流傳天下

琉球國貢例琉黃一萬斤赤銅一千斤錫鑠三千斤
云

太平御覽云漢時霍里子高朝鮮人也晨起刺船見
一白首狂夫被髮携壺亂流而渡其妻止之不及遂
溺死妻乃携篳篥鼓之歌曰公無渡河公終渡河公
淹而死當奈公何音茫悽切曲終亦投河而死子高
還以其辭語妻麗玉麗玉傷之引篳篥寫其報為篳
篥引余在熱河太學閱樂器無所謂篳篥者皇城琉
璃廠中多使人求之而適未得果不識其製
天妃俗傳黃河之神今清勅封為天后回回人多入

此教云天妃神有十二字尊號載清祀典

我東袍笠與帶恰似中國之僧其夏天所戴或籐或
梭袍特方領異耳然袍皆黑貢緞或紋紗其貧者猶
袍秀花紬野繭紗與卞醫觀海入玉田一舖則數十
人圍觀爭閱吾輩布袍詳察其製樣而大疑之私相
謂曰這個化齋的郝地來哩或戲答云從舍衛國給
孤園來哩非不知我為朝鮮人而見袍笠譏其類乞
僧也大約中國女子及僧徒道流不変舊制而東方
衣冠多襲新羅之舊制新羅始做中華制然俗尚佛
教故間闕多効中國僧服至今千餘年而不知度反
謂中國僧徒悅我東衣冠而効之豈其然乎

僧笠之以籐絲結者其色如我東州笠以椶絲結者其色如我東宋笠籐笠以椶絲為紋椶笠以籐絲為紋蒙古人亦夏天戴笠多皮造塗金上匝雲氣東俗之冬天戴笠雪裡把扇為他國所笑

中國鄉試之規第一場試以四書文三篇性理論一篇一晝夜而畢第二場試以經文四篇排律一首一日而畢第三場試以策五道亦一晝夜而畢皆十餘言會試之規亦同殿試則單試策一道亦一晝夜必萬餘言然後中式又其格式無一差誤然後乃可入翰林殿試後又有朝考試以詔誥論詩只許一日而畢鄉會試五道策內三條古策二條時務殿試則專

試時務一得中鄉試則因為舉人每會試直赴雖未
得會試十餘年後得一知縣

李卓吾以其煩癢公然剃髮中國人亦謂其亮性蓋
中國剃髮之徵也今中國人開剃金元之所無若中
國生出真主如皇明太祖掃廓乾坤而愚民之習
熟成俗者已而餘年之久則應亦有以束髮加帽反
為煩癢而不便者矣

余入中國沿道二千里之間時方夏秋之交劇暑常
晝日四五下馬入人家休憩而去丈二芭蕉太湖石
茶蘼架子班竹欄干往往而有護階綠竹滿簾翠梧
到處多見

高麗時宋商舶頻年來泊於禮成江而貨湊集麗王
待之以禮故當時書籍大備中國器物無不來者我
國不以水道通南貨故文獻充實不減三王事者
全由此也日本通江南故明末古弔書亟書籍藥
料輻輳于長碕島今薰茂堂主人木氏弘恭字世甫
有書三萬卷多交中國名士
班禪所居前枰後鏡左鍾右玉上盤水下寶刀晝日
焚香哦然一笑

即今戶部尚書和珅皇帝寵臣也兼九門提督貴振
朝廷皇帝誕日余至山莊門外貢獻之物輻輳門前
皆覆黃褥非金佛則皆玉甕云和之所舉來者即珍

珠葡萄一架在其中以金銀烏銅出色為蔓葉以火
齊瑟、為葡萄真所謂草龍珠帳康熙皇帝萬壽節
在三月康熙癸未是日九卿皆進古玉書畫為壽皆
蒙納入內府王士禛時為刑部尚書亦獻其家舊藏
王晉卿烟江疊嶂圖長卷後有米元章書東坡長句
康熙傳旨云向來進御凡畫槩無故者此卷畫後米
字甚佳故特納之因諭知康熙時古玉書畫之奉未
常非緣飾雅素而再轉為金佛珠葡萄則人臣私獻皆
康熙之啓也和珅方其貴寵故皇帝亦常曰珅愛我
也忘其家而獻於朕云爾則亦將曰朕以四海之富
無此真珠葡萄珅安從得此珅其危哉

耕織圖始于宋杓潛令四明樓璘以獻思陵。迨段有
憲聖皇后題字。康熙中復命工摹寫。迨段有康熙詩
御筆。乾隆中徽州守臣逐段摹刻于墨板。鏤刻精巧
墨凡四匣。一匣十二笏。價銀一百三十兩。乾隆辛卯
年間其價如此。云丙申價低為銀八十兩。今余親至
版中覓得兩函。精巧殆非人手造成。余問價于徐文
圃。璘則答墨非絕品。且第次中舊闕二笏。故久不能
售。然價猶不下六十兩。銀云。

徐璘為余言。藏書辟蠹方以寒食麵和臘雪水為糊。
粧潢則不蠹。以皂莢末置書中則不蠹。此方出宋王
文憲養筆方。以硃黃湯舒其毫。蘇東坡以黃連煎水。

調輕粉蘸筆頭候乾収之黃山谷以川椒黃蘗煎湯
染筆藏之尤佳

方士所說三神山蓬萊方丈瀛洲在海中神仙常往
來遊居其間日本人自認為其國所有我國亦以金
剛山為蓬萊濟州漢拏山為瀛洲智異山為方丈皇
輿攷曰天下名山有八而五在中國泰山華山少室
太室首陽而其三在外夷此妄也皇輿攷據方士所
稱謂三在外夷而我國與倭紛然較有無則惑也
天下名山豈止有八而中國豈止於五外夷名山亦
豈止三

皇輿攷云天下有三大水黃河長江并鴨綠江然鴨

綠江亦在外夷兩山墨談

陳建著

云長淮為南北大限

自淮以北為北條凡水皆宗大河未有以江名者自
淮以南為南條凡水皆宗大江未有以河名者二條
之外北之在高麗曰混同江鴨綠江南之在舊詔曰
大渡河禹跡之所昭也此說非是江與河以清濁分
余渡鴨綠江、廣不踰於漢江而清則比之自至皇
京凡渡水十餘或舟涉馬浮而所名混河遼河灤河
太子河白河等水皆黃濁蓋野水濁而峽水清也鴨
綠江發源長白山而行塞上諸山中故常清東八站
諸水皆清亦其驗余雖未見長江而發源於岷峨萬
山中穿三峽而下則其清可知所謂南條諸水未有

以河名者楚之南多山多石故水皆清故也然則南
詔之大渡河想應發源平野而水濁故稱河耳
楊循吉志異云皇朝文臣得拜極品爵者不數人威
寧伯王公共一也公當廷試日稱甫就忽旋風起掖
下騰其卷於雲霄中廷臣與同試者咸仰視彌久彌
高至不見乃已中官以聞詔許別櫺牋進後公由中
執法大司馬以進於伯爵此王越事也我成宗朝
景福官簡儀臺遑落一紙中朝試券其封彌乃王越
名附貢使奏其券天子嘉越有風力乃拜執匱之
職循吉所記只言其旋風飛券而不詳其下落延言
其由執匱以進而未諳其案由我國奏聞于天子

也

原始秘書言高麗之學始於箕子日本之學始於徐
福安南之學始於漢立郡縣而置刺史被之以中國
之文學後至五代末節度使具昌文方盛自中國流
行外夷數千間其文皆不免於夷狄之風窮竭鄙陋
不足以續聖教者蓋其聲音不同其奇妙幽玄之理
非筆舌之可傳故不相合此可謂切論吾東不知叶
音之妙故柳眉菴号能知音而其謔鮮毛詩不從叶
音詩多絕韻如王姬之車不從麻韻而從魚韻之類
是也

酉陽雜俎近有海客往新羅吹至一島上滿山悉是

黑恭匙筋多大木客仰窺匙筋皆木之花與鬚也因
拾百餘瓊而還之用肥不能使後偶取攪茶立消此
似妄也吾南沿海島中若有是木豈有不聞之理
許亢宗行程錄自同州四十里至肅州東望大山金
人云此新羅山其中產人參白附子與高句麗接界
此妄也雖未知同州肅州在扶何處而金人所指新
羅山安得與高句麗接界可謂荆南貿遷

高麗人參讚三桮五葉背陽向陰欲來求我檜樹相
尋中國文書多載此贊檜樹葉似桐而甚大多陰故
人參生其陰云檜樹即我國所謂自作木以為冊板
我國至賤而中原墳墓皆種此樹青石巔成林

大唐新語李襲譽性儉約好讀書寫書數萬卷謂子
第曰吾不好財貨故以至貧乏然京城有賜田十頃
可以充食河南有桑千株可以充衣買得書萬卷可
以求官汝曹共勤于此三事何求於人余亦性不好
貨故以至貧乏然點檢平生所寫書不滿十卷燕岩
手所種桑纔十二株其長條纔得及肩嘗不禁惋歎
今經遼野護田桑林一望無際則又茫然自失矣
中原人以詩小序必不可廢阮亭說頗公共言曰程
子謂小序必是當時人所傳國史明乎得失之迹者
是也不得此何緣知此篇是甚意思大序則是仲尼
所作要之皆得大意朱子學宗二程而于小序獨不

然何也郝楚望之每一詩必駁朱註亦自不可常熟
顧大韶仲恭欲刊定一書用毛傳為主毛必不可通
然後用鄭毛鄭必不可通然後用朱毛鄭朱皆不可
通然後網羅羣說而以己意折衷之嚴粲詩緝作于
朱注之後獨優于諸家大全之作敷衍朱注全無發
明用覆瓿可也大抵中國人斥朱子盡去小序為
此世一大論朱竹垞經義考卷二而闢朱子如木瓜義
齊桓子衿刺學校廢野有蔓草及刺幽王刺鄭忽諸
詩皆按之經傳確鑒可據而朱子盡反而斷以己意
盡廢小序然其害多宗小序獨于鄭衛之詩據放鄭
聲一語并置淫奔之科聲淫非詩淫此西河毛氏之

說而大約扶小序者說皆如此謂非朱子手筆而必
出於門人之手者欲放膽於門人而便於攻伐之計
也宋史儒林傳王柏曰詩三百篇豈盡定於夫子之
手乎所刪之詩或有存於閭巷浮薄之口漢儒取以
補亡此說甚似有理然則中土所扶小序亦豈無漢
儒傳會哉余嘗與初翰林彭嶺高太史棧生飲段家
樓紛々以小序相質余大言曰詩三百不過當時閭
巷間風謠歡愉疾痛喜怒哀樂之際不得不有此聲
如候蟲時鳥之自鳴自吟觀風者採其謠而字而句
之列之學校被之管絃是所謂列國之風而詩之名
所由立也何從得作者姓名哉小序說詩必皆有作

詩之人曰此某某之作如後世之全唐詩則斷可見
其傳會如為焦仲卿妻作及古詩十九首何嘗有作
者姓名哉諸人皆默然貌似不然之蓋宗小序始于
蘓子由而攻小序始于鄭夾漈駁朱注極于馬端臨
毛奇齡朱彝尊而近世靡然為時義

吳郡馮時可蓬牕續錄聚頭扇即摺疊扇貢於永樂
間盛行於國東坡謂高麗白柅扇展之廣尺餘合之
只兩指倭人所製泥金面烏竹骨即此余至京有外
國道人利瑪竇贈余倭扇四柄合之不能一指甚輕
而有風又堅緻云由此觀之中國初無摺疊扇、皆
團扇類我東所稱尾扇蓋見之古畫如蕉葉桐葉白

羽之類是也我東兕作多做日本則摺疊扇高麗學之日本中原學之高麗歟中國大扇名高麗扇製甚樸傳東紙油黃細書亟頗珍之

歐邏鐵絃琴吾東謂之西洋琴西洋人稱天琴中國人稱蕃琴亦稱天琴此器之出我東未知何時而共以土調解曲始于洪德保乾隆壬辰六月十八日余坐洪軒西列立見其解此琴也槩見洪之敏於審音而雖小藝既係初始故余詳錄其日時其傳遞廣于今九年之間諸琴師無不會彈其郡徧時可始至京得之利瑪竇以銅鐵絲為絃不用指彈只以小板案其聲更清越云又自鳴鍾僅如小香盒精金為之一

日十二時凡十二次鳴亦異云、并見蓬窓續錄蓋
此兩器 皇明萬曆時始入中國也余山中所有泮
琴背烙印五音舒記製頗精好故今來中國為人應
求遍覽所謂五音舒而竟未得

丹青記王維為岐王巫一大石信筆塗抹自有天然
之趣王甚寶之時於果臝間獨坐注視作山中想悠
然有餘趣數年之後益有精彩一朝大風雨中雷電
俱作忽拔石去屋宇俱壞不知所以後見空軸乃知
巫石飛去耳憲宗朝高麗遣使言某年月日大風雨
中神嵩山上飛一奇石下有王維字印知為中國之
物王不敢留遣使奉獻上命羣臣以維手蹟較之無

毫髮差謬上始知維岳神妙偏索海內藏之宮中地上俱灑鷄狗血厭之恐飛去也以此推之中國齊諧所記其疏謬可知中國稱高句驪為高麗者雅矣而高句驪亡於唐太宗永徽中則憲宗時安得遣使王氏高麗都於松岳之下松岳號神嵩而且將謂王氏高麗則太祖之興國乃在朱梁友貞、明四年後憲宗百餘年矣王維唐明皇時人則先憲宗百餘年矣其飛石之說本自荒誕而所記又甚乖謬此應本之王越試卷事依俦為此說耳

吾東最不得志於東坡高麗求書史於宋則東坡引漢東平王故事上劄峻斥之其通判杭州時高麗入

貢使者凌蔑州郡押班使臣皆本路管庫乘勢馳橫
至與幹轄抗禮公使人謂之曰遠夷慕華而未理必
恭順今乃爾暴恣非汝導之不至是也不悛當奏之
押官者懼為少戢使者發幣於官吏書稱甲子公却
之曰高麗於本朝稱臣而不稟正朔吾安敢受之使
者亟易書稱熙寧然後受之時以為得體此見東坡
墓誌

元祐五年二月十七日見王伯庠炳之言昔為樞密
院禮房檢詳文字見高麗公案始因張誠一言契丹
於虜帳中見高麗人私語本國主向慕中國之意歸
而奏之先帝始有招徠之志樞密使李公弼因而迎

合親書劄子乞致招遂命敦運使崔極遣商人招之
天下知非極而不知罪公弼如誠一蓋不足道也又
淮東提舉黃寶言見奉使高麗人言所致贈作有假
金銀錠夷人皆圻壞使露胎素使者甚不桀夷云非
敢慢也恐北虜有覘之者以為真甬由此觀之高麗
所得吾賜物北虜蓋分之矣而或者不察謂虜不知
高麗朝我或以為異時可使牽制北虜豈不誤哉此
二條俱載東坡志林子瞻以當時招徠高麗為失計
觀其諸所記述俱為國家深長之慮然當時士大夫
殊不知高麗慕華之誠出於赤心為遼金所牽制不
能一心事宋此高麗列朝至恨每得宋之士大夫文

字則焚香敬讀如此悃悃未見能暴徒為中土士大夫所鄙外足為寒心余與王鵠亭極言辨之

名山記曰江原道金剛山中有一泓曰觀音潭、畔

崖名曰手巾崖石心有凹如杵舂諺傳觀音院處

崇禎丁丑十一月二十二日正朝使

與建州
和鮮後

韓亨吉

書狀官李浚陽之行定例外別貢紅柿三十駄勅使

又督納二萬個其時勅使英俄兒代馬福塔戴雲魯

在道馳獵責納房妓少不如意則鞭扑狼藉倭人亦

求馬三百鷹三百野鶴三百今此使行所持方物不

過紙席而中國賜賚供給留館貲役常費十餘萬云

此諸清初可謂反為貽獎中國

徐渭跡史云唐時高麗貢松烟墨和麋鹿膠造墨名
兪鹿王阮亭辨漢縣名兪麋地出石墨與高麗無涉
而獨不辨唐時元無高麗何也兪麋所出石墨想應
今時所用石煤也漢時不識藝火以為石墨歟

皇明萬曆九年西洋人利瑪竇入中國留北京二十
九年中國人無信之者獨力主其曆法者徐光啓一
人遂為萬曆世法之祖宗則萬曆紀年乃瑪竇入中
國之兆

萬曆壬辰 神宗天子大發兵東救我國之難其時
所發帑銀八百萬兩

新羅時土產有大小花魚牙錦霞錦白氍布

王元美稱東紙徐文長甚愛東紙如錢厚者鍾伯敬
常書唐劉昫詩十四首

中原進士及第出身一甲三人壯元次榜眼次探花
壯元即授翰林修撰榜眼及探花為翰林編修二甲
八九十人第一人謂之傳臚亦授翰林三甲百餘人
則與二甲通納朝考或點翰林或授六部主事或授
知縣不與於此則為歸班進士不比我東較量地闊
分授三館之規

雍正壬子譯官崔壽城過高橋堡見吳光霽光霽嘗
受吳三桂偽牒以此被謫仍居於此年方八十七耳
聾神昏不能酬酢出示當時文籍一天下都招討兵

馬大元帥周王為陞授官員事予以宇宙昏蒙如居
長夜仰承天意倡義救民必資智勇之才共濟昇平
之烈查得吳光霽今授以金吾侍衛遊擊用示優異
合行給劄為此劄付本官遵照任事爾受茲委任宜
益加奮勵戮力行間茂建勲勞以膺顯用儻有奇功
足錄自有不次爵賞汝其勉哉須至劄付者右劄付
遊擊吳光霽準此周四年五月廿七日劄付二兵部
為陞授官員事洪化元年七月十六日兵料抄出李
少保金吾衛左將軍胡題為補用官員請給劄付事
今查得侍衛遊擊吳光霽老成練達應加以叅將職
卽管理內府事等因具題旨吳光霽等依議用兵部

知道欽此欽遵擬合就行為此合劄本官遵照本部
欽奉旨內事理欽遵任事施行須至劄付者右劄付
叅將吳光霽準此洪化元年七月廿一日經承劄付
一戶部請添官員事乃是差授光霽戶部員外郎者
也稱洪化二年七月廿六日俱有印押蓋吳三桂起
兵四年而改元也自作九錫禪文李克用之所不為
誓死他日復唐社稷大 明遺黎日望義旗天下有
誰知周家洪化吳光霽尚以此牒為家藏舊蹟其意
可知而亦可見當時寬大之政
吸毒石棗子大青黑色小西洋一種毒蛇頭裡生石
能治蛇蝎蜈蚣諸蟲咬傷并治癰疽一切毒瘡惡瘡

即將石置傷處石自緊粘不落吸毒盡時石自離落
患不除痊須預備人乳一鍾急將石浸之候至乳色
略青即洗清水淨抹拭貯以待後用若浸乳稍遲則
石毒過出久後無靈

未及山海關十里 有姜女廟新建行宮望夫石傍
有小亭曰振衣亭秦時范七郎築長城死於六驛山
下夢感其妻許氏孟姜陝西同官人也獨行數千里
叔七郎骸骨歷憇于此後人立祠姜女竟負骸入海
死既數日有石出海中廟至不沒云望夫石三字太
原白暉題作如是觀四字內閣脩撰賀廷佐書李蟠
撰祠記高昌書祠後立四碑一張揀撰 皇明萬曆

甲午立一張時顯拱 萬曆丙申立一程觀順拱康
熙己酉立一高齊岱拱康熙戊辰立唐詩人王建所
詠望夫石在武昌或曰秦時不稱陝且無稱卽姜者
齊女也

王民睥睨清建國一王之制曰外三王而內二教蓋
以釋老二氏之術雜儒道而文之也雍正時有密奏
請令所在僧尼相配還俗可得旗下百萬雍正下詔
洞諭曰佛老之教心性本源善惡感應理氣根窟自
昔理天下者本之倫常效之事功則二氏之教無與
乎禮樂刑政之區恐其有妨於名教則哲王賢辟疎
而遠之則有之朕未聞其悖其性而挫折之也近有

密奏進未毒詆釋氏請令所在僧尼還俗朕恐一夫
一婦不獲其所今不問情願還俗則不獲其所者不
啻數百萬人僧尼即鰥寡孤獨所當矜憐理學之人
先罵二氏自以為理學者此習不知初自何典夫理
學貴於躬行實踐若虛詆二氏即為理學則卑淺矣
國家尊尚理學之意本不如此若云妖言惑眾作姦
犯科皆出於儒徒此等果於本教亦無躬行實踐其
干紀冒法豈誠本教之罪哉即如近日獲重罪屢極
刑者又何嘗皆僧尼道士耶執法不平不足以治天
下持論不公不足以服人心故茲諭示此載聞相應
洙癸丑燕行錄中與王氏說相符

乾隆四十年乙未十一月二十日內閣奉上諭崇獎
忠貞所以樹風教勵臣節然自昔嬪代凡勝國死事
之臣罕有錄與易名惟我世祖章皇帝定鼎之初崇
禎之末殉難之臣太學士范景文等二十人特恩賜
謚仰見聖度如天輸恤遺忠宗為亘萬古之曠典當
時僅徵据傳聞題奏事件未暇遍為搜訪故得邀表
章者只有此數殆久而遺事漸彰復經論定今明史
所載可按而知也至若史可法之力矢孤忠支撐殘
局終蹈一死又如劉宗周黃道周等立朝謇諤抵觸
貪土及遭際時艱臨危授命足為一代之完人為廢
揚所當及其他或死守孤城或身隕行陣與夫俘禽

駢戮視死如歸者當時王旅徂征自不得不申法令
以明順逆而事後平情而論若而人者皆無媿于疾
風勁草即自盡以全名節其心亦可矜憐雖福王倉
卒偏安唐桂二王并且流離竄跡已不復成其為國
而諸人茹苦相從捨生取義各能忠于所事亦豈可
令其湮滅不彰自宜稽考史書一體旌謚其或諸生
韋布及不知姓名之流并能慷慨輕生議謚固難于
槩及亦當俎豆其鄉以紹軫慰常恭讀我太祖宸錄
載薩爾濟之戰明楊鎬等集兵二十萬四路分出侵
我興京我太祖太宗及貝勒大臣統勁旅數千鐵騎
過半明之一時良將如劉綎杜松楊鎬等皆沒于陣

近日親製書事一篇用揚祖烈而傳示信史惟是王
業肇基其抗我顏行者原當稱蕤然迹其冒鎬迎鋒
竭忠效命未嘗不為嘉愍又若明社將亡孫承宗盧
象昇等抵拒王師身膏原野而周遇吉蔡懋德孫傳
廷等以闖敵蹂躪禦身賊亡稟、猶有生氣搃由明政
不綱自萬曆以至崇禎而權奸接踵閭豎橫行遂至
黑白混淆忠良泯滅每為切齒不平福王時雖間有
追謚之人而去取不公亦未足為重朕惟以大公至
正為衡凡明季完節諸臣阮駘為國抒忠優獎寔同
一視至若錢謙益之自謂清流醜顏降附金堡屈大
均輩偉生畏死詭托縑徒均屬喪心無耻若輩果能

死節今日亦當在予表旌之列乃既不能捨命而猶
假言語文字以自畫掩飾其偷生是必當明斥其違
退無據之非以隱殛其真漠不靈之魂一展一貶哀
鉞昭然使天下萬世共知朕意準情理而公好惡即
以是植綱常即以是示彰瘡所有應謚諸人並查明
史及輯覽所載遵照世祖時之例因其原官予以謚
號其如何別分定謚之處著太學士九卿京堂翰詹科
道集議以聞并茲通諭中外知之欽此以此詔觀之
我國三學士及清陰事蹟當載清太宗實錄而漠然
無聞何也夫陪臣之為中國尊攘千古所未曾有也
乾隆為天下萬世自附公正之論而獨於我東諸賢

不少概見者以其事系外國而未及修舉耶中州人
士往往提及清陰而只錄其寂寥詩篇而已其大節
之爭光日月未有舉似者抑吾東講和實在閔外之
時則中國未之詳知歟抑嫌於酬答而佯若不知歟
抑故托感舊集王滿洋士類輯感旧集錄清陰先
生詩共小序共書宦卿各與字以
微見其意歟余每聞清陰二字未嘗不髮動脉跳雖
聞自喉裡徘徊而未敢發諸齒外幾成王鶴汀痞症
奈何奈何

未及遼東有王祥嶺踰嶺十餘里有冷井使行時設
幕朝飯處也非石甕乃踞旁泉源盈科味甚甘冽冬
溫夏冷每我東使行時泉必涸湧出而東人去則

立竭蓋遼東本朝鮮地故氣類相感而然云
我東避兵福地共有十處而皆世傳東方名僧無學
及方士南師古所占云余以為福地莫如去邠之
所雖常布徵賤之士必為問閔陪扈執羈勒不離
左右可也猝當兵亂士女波蕩每尋深山絕峽藏蹤
岩穴之中其不智甚矣運糧既絕必先餓自死其愚
一也不見兵而先為庖豹所害其愚二也外間尚息
阻絕莫識去向其愚三也草樹霧露先有疾疫之患
其愚四也若遇土賊必為弱肉其愚五也人生不幸
值壬辰倭亂丙子虜兵則龍灣南漢皆為福地當時
避兵者皆以兩處為絕地孤城而余以為王靈所

在必天地同力百神呵護國在與在國亡與亡與其
竄身忡莽字諒溝瀆無寧生為忠臣死為義鬼也常

見松溪記行

麟坪大君著

清兵之進圍松山也我

孝宗

大王在鳳林邸時陪

昭顯世子被質俱駐清陣中

幕次因地勢不便緩移他所是夜寧遠搃兵吳三桂

牽所部萬騎潰圍馳出

幕次初設之地適當潰圍

之路當時移幕若有天祐神助吾東過而從人倘

非依托王靈烏能免奔衝蹂躪之變乎故曰不幸

當難九死扈

蹕是乃福地也

在熱河時見班禪所居金殿屋脊上一對金軀黃龍

起行如馬長皆二丈餘自下望之如此則其長與高

可知也其狀殊不類所畫神龍揚用修丹鉛錄曰龍
產九子不成龍一曰鼎廩形似龜善負重今碑龜跌
是也二曰鵠吻性好望今屋獸三曰蒲牢性好吼今
鍾紐四曰狴犴形似虎立獄門五曰饕餮性好食刻
鼎蓋六曰蚣蝱性好水立橋柱七曰睚眦性好殺立
刀環八曰金甌形類獅好烟火立香爐九曰椒圖形
似螺蚌性好閉立門鋪又金殿四角起行金軀黃龍
而形與屋脊所立又不同鵠尾鵠吻之說傳記不一
蓋中國起宮殿必先鑄鵠尾鵠吻以占屋之成敗吉
凶故重之對類總龜謂龍產九子一名嘲風好險立
殿角一名蚩吻好吞立殿脊博物志逸篇云螭吻形

似獸性好望故立殿角蟠蛭形似龍性好風雨故用
于屋脊與丹鉛錄說皆不同漢武帝栢梁殿災越巫
言海中有魚名虬其尾似鰲激浪則降雨作其形置
殿脊以厭火災又大起建章宮越巫上厭勝之法設
鰲尾之象于殿脊我國船尾謂鰲則似鰲尾之鰲也
又博物逸篇云鼉鼉性好重故載碑螭帀形似龍性
好文彩故立于碑文上又總龜云龍之九子一名霸
夏好負重故為碑座鼉鼉好文故在碑文兩傍諸說
亦各不同龍子名號及性情何以知之古說傳會多
此類

自伏羲氏至今乾隆皇帝正統天子總二百五十若

通計呂后武后無統天子自曹魏孫吳南北朝至五
季總八十五僭偽帝王自后羿至周弘化皇帝吳三
桂總二百七十春秋之君四百九十有奇

巡撫山東等處督理營田兼理軍務都察院右部都
御史岳為聖德之保和備至天心之錫福彌隆恭報
瑞麟毓生光照嘉應事雍正十年壬子六月十三日
據布政事鄭禪寶據曹州鉅野縣知縣廖開春稱雍
正十年六月初五日據新城保地保祝萬年等稱該
保李家庄李恩家於本年六月初五日辰時有牛生
麟金光繞繞歷辰巳兩時遠近聚觀咸稱奇異理合
稟報等情隨即親詣產麟處所敬謹看檢係廐身牛

尾渾身皆甲、縫皆有紫毫玉定文定光彩燦生寶
屬聖世瑞徵擬合轉報等情職迅即委負馳赴鉅野
細加看審據稱瑞麟身長一尺八寸高一尺六寸廣
身牛尾頭含肉角定戴旋毛目如水晶額如白玉遍
身鱗甲迭係青色甲縫俱有紫色絨毛脊背黑色三
節中節毛皆直豎前節毛皆向前後節毛皆向後騰
腹蹄腕皆有白毫尾長五寸五分尾尖有黑毫四縷
見經畫繪呈送到職、敬閱之下竊甚懽忭隨即恭
設香案望闕叩頭慶賀訖欽惟皇帝陛下道協清寧
功叅化育體元立政六府修而三事和建極敷民五
典惇而九疇叙華星順軌丹霄麗燁璧之輝湛露凝

甘繡甸潤千珠之液乃若黃河清於曹卑之間不獨
波澄秦隴慶雲現於洙泗之涯豈徒彩煨真黔茲當
鉅野之鄉復覩瑞麟之育膚身牛尾允擅殊姿一角
圓蹄咸推異品職伏稽書傳春秋服虔註曰王者視
明禮修則麒麟至又禮斗威儀曰王者政訟平則麒
麟在郊又孝經援神契曰王者德至鳥獸則麒麟臻
是以軒轅之朝麟遊其記成康之世麟趾有歌撫茲
神物之誕生益見瑞符之昭格良由我皇上欽恭光
于四表如日月之照臨安阜遍於八紘比乾坤之懌
載況東省壤聯畿輔沐化龙先路接康衢蒙庥最渥
是知麟之所兆信而可徵五色含章卜文明之大啓

四靈冠首占戡穀之方耒職忝任封疆欣逢盛美自
天申命已知純嘏願效升恆之頌用抒拜舞之誠伏
祈照付史臣宣示中外毓攸郊藪千秋表河嶽之奇
載在圖書萬古燬奎婁之象伏祈皇上聖監施行為
此除具合咨貴部煩請查照須至咨者右咨禮部山
東督撫岳耆其姓也咨表化我東科儼則䟽而爛燁
豐腴生自古色過之尹亨山云山東偏產麒麟康熙
朝四皆牛產雍正時五牛產二豚三當子聖朝五蜀
閩中浙河南兩歲內皆牛產而一則承產直隸良鄉
云

順治丙申十月十六日四公主各歸漠北皆蒙古王

妻也路由玉河館前蒙王率其下馳去駝馬甚盛公主亦乘馬行蕃僕隨後而行皆遠餞也麟坪大君見之

乾隆四十一年丙申正月二十五日内閣奉上諭前以明季殉節諸臣各為其主義烈可愛自宜查明錫謚因命太學士九卿京堂翰詹科道等集議奏聞冀以廣聞忠良風示來世子孫復念建文革除之際其臣之仗節死難者史冊所載甚多當時永樂位本藩臣乃犯順稱兵陰誦奪國諸人自當義不戴天雖齊泰黃子澄等輕率寡謀方孝孺識見迂闊未足輔助少主然其尊王鋤強之心寔堪共諒及大勢已去猶

且募孫岳存抗辭詆斥雖殞身湛族百折不回洵為
無慚名教者其他若景清鉄鉉等或慷慨捐軀或從
容就義雖致命不同而志節凜然皆可為克明大義
甚至如東湖熊夫補尾匠之流雖姓名隱晦不彰其
心均足嘉尚特以永樂性或殘刻逞志淫刑其屠戮
之慘極于蔓瓜牽連之誅殆非人理朕讀史至此未
常不憤恨追其中葉雖少弛厲禁而徇私曲諱終不
肯顯示褒揚使忠臣義士之義久矣不伸殊堪閔惻
夫以勝國革命之時其抗我顏行者尚念其忠特予
表章矧建文諸臣不幸遭遭內難為國捐生成仁取
義豈可湮沒自當一體議謚以發幽光而昭公道其

應如何分別予謚之處著同前旨交太學士等一并
詳查集議具奏補朕崇獎忠貞有加無已之至意欽
此

皇明崇禎十一年我國將李時英率兵五千入建州
清人劫時英為前行與明都督祖大壽戰於松山
土兵皆精砲祖軍多殲下令軍中虜頭一顆予銀五
十兩鮮人一級予銀百兩土兵李士龍星州人也獨
礮義不入凡三發無傷款以明本國之心也清人
覺之遂斬士龍以脩祖軍望見皆大哭大壽乃大書
旂上曰朝鮮義士李士龍以風時英軍今星州玉川
上有忠烈祠即士龍俎豆之所苟使皇帝聞士龍名

合當特予義謚余過松山作文以吊士龍之魂

錢牧齋謙益字受之其身世半華半胡其文章半儒

半佛其名節掃地終不免浪子之號上愧其師孫高

陽

承席

下愧其弟子瞿留守式莊中愧其妻河東君

抑如是

受之既老死河東君尚少諸惡少嫉受之欲

汚柳、自殺今見乾隆詔斥受之謂其自詡清流醜

顏降附詭託縑徒喪心無耻可謂愧殺錢謙益我東

先輩不知受之、失身徒見其有學初學等集未嘗

不為之傷惜抄其詩文多列之文丞相謝疊山之下

近歲已未頗亦聞其敗板禁藏而切令俗生家未必

能盡知故今詳錄焉

蕪東坡之惡高麗則有以也當時高麗專事契丹而
特以慕華之意時入宋庭中州之士未必鑒老素衷
或謂之窺偵朝廷者無足怪也且其貢路自明州下
陸必儒臣館伴而其供億之費常亞於遼使非與國
非屬藩而每在倔强夏國之上則當時士大夫謂之
無益者固宜我朝忠順皇明且將三百年一心
慕華尤賢於勝國而東林一隊輒不悅朝鮮錢牧齋
為東林黨魁則以鄙夷我東為清論可勝憤惋耶至
於東國詩文則尤為抹殺其跋皇華集曰本朝侍從
之臣奉使高麗例有皇華集此則嘉靖十八年已亥
上皇天上帝恭禱皇祖皇考聖禱錫山華修撰案頒

詔播諭而作也東國文體平行詞林諸公不惜貶調
就之以寓柔遠之意故絕少瑰麗之詞若陪臣篇什
每二字含七字意如國內無戈坐一人者乃彼國所
謂東坡體耳諸公勿與酬和可也我東文體誠如所
論而何乃卑薄若是吾故詳錄之以見牧齋歟我異
於東坡

錢曾字遵王牧齋族孫與徐乾學共輯經解同時吳
梅村龔芝麓俱稱三大家皆明朝達官而亦仕乎
今清其註牧齋贈劉鴻訓奉使朝鮮註說多失實又
於李如松東援事尤多誣筆可慨也
今皇帝斥錢謙益詔有曰猶假借文字以自圖掩飾

其偷生者可謂同照其姦情矣如跋高麗板柳文之
類是也其跋語高麗列唐柳先生集繭紙堅緻字畫
瘦勁在中華亦為善本陪臣南秀文跋尾前後敬書
正統戊午夏正統四年冬十一月尊正朔大一統之意
肅然著見于簡牘蓋箕子之風教故在而明皇家文
命誕敷施及蠻貊信非唐家所可化倫也天傾地仄
八表分崩高麗久不作同文夢矣摩挲此本潛然隕
涕陪臣奉教編次者集賢殿副提學崔萬里直提學
金鎮博士李永瑞成均司藝趙頌等而南秀文應教
署卿則云朝散大夫集賢殿應教藝文應教知製教
經筵檢討官兼春秋館記注官并書之以存東國故

事東人每以同文夢一語為故實作科體詩題甚陋
甚陋陳五齋家有古文而選及柳文抄皆韓遘字以
為高麗板頗珍之蓋本之此跋也

我國陝川海印寺紅流洞有元戎閣藏明中軍都

督太子太保李如松笠與袍其時所為詩一篇余嘗

遊海印寺出袍笠觀之笠帽可三圍可驗其頭腦揀

寺僧最長者著其袍委地尺餘萬曆壬辰我東被倭

寇公以提督遼薊保定山東軍務平師東援疾趨平

壤破倭將平行長於牧丹峰下遣將士婁國安入行

長營奪王子順和君及大臣金貴榮黃廷彥等以

歸後六年戰死遼東詔具衣冠而葬之贈少保謚曰

忠烈公東來時進兵踰島嶺自聞慶還忠州故其祀
宜遺在陝川公本朝鮮人自其遠祖英洪武時始入
中國居襄平我國人鮮有知其本者曾見王貽上帶
經堂集載清兵部侍郎李輝祖神道碑有曰鐵嶺李
氏自寧遠伯成樞以開闢顯勝國至本朝其門益大
入叅經幄出為將帥李之先出朝鮮其徙襄平自英
始英以軍功授鐵嶺衛都指揮使子文彬文彬子五
人長春義春義子涇、生寧遠寧遠之長子即公也
輝祖乃春義之弟春茂之後也祔是益知公為我國
出也 崇禎末公之子及如栢如梅之子脫身東來
為其父兄建立大功於朝鮮則非但舊恩可舊亦孤

死首丘之意也然中州鼎革之際本國亦不無忌諱
則諸李之來歸者亦不敢明言其所自出也余於宣
武門內瞻雲睥樓前逢一美少年自言寧遠伯之後
名鴻文翌日為訪余錦緞鋪出懷中印本族譜二卷
乃鐵嶺李氏世譜而自英始系之曰朝鮮人與余舊
所識益合無疑鴻文祖偏德年今八十二歲風痺不
能起動使其孫遍訪朝鮮館外逢有心人傳之使東
察其意殊不厭李堂輩之今官于我國而余亦不敢
明言寧遠伯之後有某在於本國也及暮歸館急
點燭與耒原輩觀之蓋寧遠伯長房曰如松如松一
子曰性忠性忠下曰無後蓋性忠奔逃東出故也吾

雖不識李萱一面當出而傳之

萬曆時荆門人康國泰坐法徙遼陽都督劉綎征建
州國泰從戰死子世爵年十七直入虜軍求父屍兵
部能廷弼置之麾下及遼陽陷世爵亡入馬登山夜
泅濠出塞保鳳凰城城陷入金石山日食木葉得不
死間出義州遂避地居會寧府常冠楚制而自號其
堂曰楚幘余過金石山義州刷馬驅人輩指燕言世
爵隱身處多奇聞

高麗忠宣王

諱璋

朝元構萬卷堂於燕邸與閻復姚

燧趙孟頫虞集等遊考究書史元封瀋陽王以為丞
相遣博士柳行等詣江南購書籍船敗時判興校洪

淪在南京以寶鈔一百五十錠遣行購書一萬八而
卷而還淪又奏元賜王書四千七十卷皆宋秘閣所
藏也瀋王請于元英宗降香江南遊江浙至寶陀山
明年又請降香行至金山寺帝遣使急召令騎擁逼
以北命護送本國王遲留不即發帝命祝髮以學佛
經為名阮之吐蕃撒思結之地朴仁幹等十八人從
之距燕京萬五千里忠宣豈徒為遺外乎乘耽嗜書
籍而已哉昔南越王尉陀逢陸賈大悅留與飲數日
曰越中無足與語至生來令我日聞所不聞耳聞如
此況真乃目見乎所謂向伯望洋而歎當時從臣如
李齊賢輩雖文學才望推為東國之巨擘然置諸間

姚趙虞之間還應望洋而知醜矣玉嵎橋邊遙望五
龍亭真所謂人間世

陸飛字起潛號篠飲杭州仁和人也乾隆丙戌春與
嚴惺滿廷筠來燕京洪德保證交乾淨衙有會友
錄余曾有序篠飲家在西湖坊名湖墅大閘內珠兒
潭

起潛言肉桂交趾產近世亦難得肉桂性引火歸源
桂皮性發起伏火用法大相不同云吾東之妄以桂
皮之稍厚者代用危哉危哉余曾以此語通告醫人
及藥局偶於通州藥肆覓肉桂則出示拳大者價銀
五十兩有范生隨余潛囑此非真中國絕真亦已廿

餘年云

震澤長語云祖宗時歲用以黃蠟一事言之國初歲用不過二十斤景泰天順間加至八萬五千斤成化以後加至十二萬斤其餘可推知也

又正德十六年工部奏巾帽局缺內侍靴鞋合用紵絲紗帽皮張等料成化間二十餘萬正德八九年至四十六萬末年至七十二萬即此其餘可知云

我東以錢十文為一錢以十錢為一兩今中國以百六十分為一鈔十六文為一陌我俗以錢一文稱一分錢十分為一錢李炯菴德樵謂其義出衡與度也十釐為一分十分為一寸十寸為一尺錢一文之厚

合十釐之積為一分也十文之積合十分之厚一寸也而文之積厚可一尺也衡則十釐為一分十分為一錢十錢為一兩今錢之名數取衡之名數也然今我錢大小厚薄不倫難以取準矣

海外記事一卷嶺表頭陀汕厂康熙甲戌往大越國所錄諸事大越國在瓊州南海道萬餘里每朝日有箭鳥從洋中起繞船一匝向前飛去舟人曰此神鳥也洋中見諸怪異浪上豎小旂或紅或黑乍沉乍浮一枝終過一枝復來續有十數枝船人曰此名鬼船見則不利風濤奮發雲霧滾、有烏龍蜿蜒出船左舟中人急燒硫黃鷄毳雜以穢物渾灑不得近一夕

陰雲晦冥星月無光忽有火山從後起光燭帆上如
野燒返照漸與船近舟中人以木叩舷不絕響約兩
更時候審知舵掛其體船稍廣開始隱不見蓋海鯨
目電云既至其國皆裸體披髮以布絛纏蔽其前推
髻叅齒水而蓮花浮動翠葉便翩而無根無藕其國
戰陣皆以象國王出場演武每以十象為偶背載丹
恭木鞍三人共一象皆金盔綠襖執金槍而立其背
縛葛為人列樹塵上如軍陣狀連響銅鼓齊發火器
諸軍直前觸象羣象亦騰踏奮前則諸軍退避象各
以鼻卷取葛人而還固有死罪則縱象拋起數丈仰
齒貫之侗腦穿腹須臾糜爛沙丁勸除其刑國王具

言本國山中屏象成羣要拘生象用兩馴牝誘夾之
以大纜絆其足於樹間使不得動飢渴之數日使象
奴漸迫近而飲食之少習兩牝挾而歸時方早春平
疇綠已舍穗不糞而一歲三獲云風土氣候常煖陰
以長養陽以消鑠故萬物叢生於秋冬共作事用夜
女慧於男樹多波羅密椰子檳榔山石榴丁香木蘭
番茉莉其鄉邑聚落皆茆屋竹籬

康熙乙未問我國人逢黑真國人於山海關外與一
女同行蓋寧古塔東北數千里有冰海五年一冰有
國曰黑真未嘗通陸前此十餘年黑真一人忽涉冰
至西岸初不辨是何物細察之則人也遍身蒙獸皮

但出頭而髮髻如羊邊人生致皇京康熙皇帝招見
饋之飯則不知喫惟啖生魚肉陳列百物於前覲其
所欲得而卒無所願引示女人即欣然樓抱於是帝
命擇配聰慧女子且令伶俐侍衛五人并女領還本
國給五穀種耕具使教之農後五年與其女子復渡
水海而來謝恩持大珠如拳者數枚貂皮長丈餘以
貢女言國在大海中無君長人長者三丈小不下丈
餘惟獵禽獸食生魚鱉珠滿海中光怪不測此載一
菴燕行記余談次問之郝志亭其答大同小異蓋知
天下之大無物不有也

所謂軍機大臣皆滿人也常聞國中有機密大事則

皇帝密招軍機大臣同登高樓自下去梯聞樓上鈴聲然後還置其梯雖數日未聞鈴聲則左右無敢近樓雍正時軍機大臣莽鵠立蒙古人工畫曾寓康熙皇帝及雍正像鄂爾泰彭公治文武全才金常明者我國義州人也亦帶是号今福次山追到密雲店中年可廿五六亦稱軍機大臣云

雍正二年二月庚子欽天監奏稱日月合璧以同明五星聯珠而共貫躔宿營^室之次位當娵訾之宮皇帝勅付史官知委中外又雍正四年親耕籍田嘉禾一莖雙穗以至八九穗是時兵中又進瑞滿其大如帽其他穉至鳳鳴河清慶雲甘露靈芝之屬無歲無之

而查嗣庭日錄反以為災異或稱中國真人當出之
應及查獄雍正皇帝詔諭中外曰爾漢人既同享太
平而不知歸福國家必曰真人當出是誠何心此真
思亂之民云、是獄所連數萬家年末十七省所呈
靈瑞尤多於雍正時而漢人輒遭思漢之獄則果非
瑞伊災

清景陵踰卽聖祖仁皇帝也其諸子箇、名士果郡
王允禮筆法非祝枝山所比姜女廟北鎮廟皆有果
郡王柱聯撫寧縣徐茗芬家亦有果王所題余欲摹
歸而行忙未果

康熙共二十

子而才子怡親王允祥莊親王允祿

果親王允禮雍正帝允禩第四子也八王允禩九王
允禔十三王允禔十五王允祐廩親王允禧十四王
允禩本名允禩屢建大功衆望所屬及康熙大漸漢
閣老王愼同承顧命誤認禩字為禩字第四為十四
愼被罪而允禩為逆魁改禩為禩

我國西沿長洲豐川海邊漁採荒唐船皆覺華島人
每年五月初末七月初歸漁採之物只是防風海參
或下陸丐糧我國陳奏請禁康熙五十四年二月禮
部覆奏請行文奉天將軍奉天府尹及山東江南浙
江福建廣東等處督務等申飭沿海水師營嚴行禁
止在朝鮮境上漁採及私行越江者被朝鮮捕送則

嚴行治罪該地方官交該部查議亦令嚴飭朝鮮國
沿邊防守官兵不時巡查如有此等之徒使之拿獲
解送云々今唐船之來西沿吏校雖即報知該地方
官寔無可禁之道則佯若不知候其當去之期遙問
收碇日字始乃馳報水營若今日初來之扶水營一
邊馳啓于朝廷一邊嚴飭該地方官刻日逐送其
寔皆掩耳偷鈴之術我國邊防可謂寒心

漢制三公月俸三百五十斛自中二千石至百石凡
十四等中二千石月俸百八十斛百石月俸十六斛
後漢大將軍三公月俸三百五十斛中二千石月俸
七十二斛錢九十至百石月俸四斛八斗錢八百晉

制品秩第一等一千八百斛後周凡九命三公一萬石至下士一命一百二十五石唐制正一品歲七百石錢三萬一千至從九品五十二石錢一千九百七十宋制四十一等宰相樞密使月錢三百千至係章正二千 皇明正一品月支米八十七石從九品五石大約較之春秋戰國時卿祿萬鍾則漢制三公月俸已為些略考今清制潯州縣養廩又些略於 皇明之制矣

高麗中書尚書令門下侍中歲米四百石至助教十石 我朝正一品歲九十八石紬六疋正布十五疋絛貨十張從九品十二石正布二疋絛貨一張士辰

倭亂後一品歲俸六十餘石無綀布楮貨大約制祿
非儉於前代官多冗員故也

中國冬月以紙糊窓格間用琉璃片遮作人物花草
以嵌之由室內視外無微不睹從外視內則無所見
此元歐陽棐漁家詞花戶由窓也沿路市上賣彩盞
琉璃者極多皆髹格所嵌

數珠之制必須五品以上帶之而翰林則以七品而
亦許帶出為知縣則不得帶通官烏林哺徐宗顯輩
俱得帶珠者所以詭榮外國乃權帶也

皇明始終有三異事 太祖高皇帝起自比丘建文
皇帝大內老裨崇禎皇帝被髮殉社

王陽明之道學戚南宮之武略汪南溟之文章皆有
悍妻平生畏伏不敢出氣亦備 皇明三異事

康熙中王士禎在刑部日閱爰書有姓妙氏島氏盤
氏民氏纏氏杵氏到氏律氏荼氏烟氏穰氏首氏卑
氏威氏冰氏坎氏榻氏欖氏慈氏皆中國稀姓也余
至瀋陽有貧希顏希憲兄弟皆江南大商至山海關
有曰勝者舉人也古有離婁離氏與坎氏為婚杵氏
與臼氏作配則可謂天定伉儷

世傳雍伯種玉今吾所經玉田縣是也五侯鯖載薛
瓊至孝家貧米薪遇老夫以一物遺之曰此銀窠也
用西壁土種之銅盆中當得銀如言種之旬日生苗

每旬開花、有銀色如螺鈿及結實皆銀也高太史
械生謂余曰西域有種臍羊捕羊先採臍種之厚土
至蔴生羊、伏地生形如家畜聞雷則臍落此載元
史云羊可種臍銀玉亦可種也

雍正元年詔曰太行皇帝書簡中檢得未經頒發諭
旨以明太祖崛起布衣統一方夏經文緯武為漢宋
諸帝之所未及其後繼體之君亦未有如前代荒暴
淫虐亡國之跡欲訪其支派一人量授官職以奉春
秋陳薦朕思史記東樓詩歌白馬後世類多疑忌以
致歷代之君宗祀殄絕朕仰體皇考康熙如天之心
遠法隆古盛德之事謹將大行皇考聖祖仁皇帝諭

皆頒發訪求明太祖支派子孫量授職卿俾之承奉
春秋享祀是時朱氏一人愛其姓名作官外邑為仇
人所告帝召見詳問其跟脚特命封國公以奉明
祀云

巴克什滿州語大儒之稱清太祖

時有巴克

什達海者滿州人也二十一死弟子孝服者三千人
號稱神人新羅斯多舍年十五風標清秀志氣方正
時人奉以為花郎其徒千餘人余舉而比達海之風
成焉秉健笑曰新羅花郎之號絕勝理學先生芬人
齒頰明陸瓊臺天資高邁年纔弱冠會講東林摠衣
趨隅立弟子之列者一朝八百人

明特進光祿大夫前軍都督府左都督南昌劉公綰
字子紳喜用大刀重百二十斤號劉大刀全羅道順
天府有烈武觀乃其壬辰東援時視師之地也綰從
李如松進勦倭酋行長於聞慶如松還而綰獨戍皇
州八莒城與都督陳璘合擊行長子順天海口圍曳
橋十餘日行長遁而東師首尾七年功最多後二十
年死深河之役當 皇明出師之時綰請以步卒五
千擊倭 神宗皇帝壯而許之明史行長潛出兵千
餘騎綰遂退云皆誣史也史又稱杜松兵敗楊鎬馳
騎召綰騎未至而綰已死云今清天子正朝必先宗
廟而親謁堂子或稱鄧將軍廟或稱劉大刀祠中原

人甚秘諱之或曰劉綬暴殁其神甚靈天子不親祀
則天下大疾疫凶歉宗廟輒有災異不寧云

朴杳堂英讓寧大君外孫也天資豪邁家又富厚年
十七入遼東為購鵲鵠而還余至遼東店中所養鵲
鵠千百為羣既夕飛還各尋其家店中大石槽預灌
灰水鵲鵠朝出遼野飽莖而歸爭飲灰水皆吐莖則
以飼馬

王元美宛委餘編載女子為兵官者若軍司馬孔氏
顧琛母也貞烈將軍王氏王廐女也唐行營節度許
叔冀部下王氏唐氏侯氏皆其行營果毅校尉也陳
女白頸鵲為契丹懷化將軍獨不知唐太宗追贈新

羅善德女主為光祿大夫又冊真德女主為柱國封
樂浪郡王既薨高宗贈開府儀同三事余常見之李
德樾耳目口心書中琉璃廠楊梅書街與凌野高棅
生飲談次及之凌高諸君頗詡博雅

余所至多以落花生橘餅梅糖菊茶見待皆閩越所
出也楊梅五月熟其色赤鮮大亦徑寸性熱多食則
令人損齒云

鄭曉古言云歐陽永叔數繫辟司馬君實詆孟子王
介甫非春秋二程子改古大學晦菴先生不用子夏
詩序皆不可解云余竊有所感於此也

又不可以自誇博雅妄有紀述康熙中王士禛著書

最富其筆記云風俗通漢有太守顧先井者其音脂

自以為姓名三字二字不通余嘗舉此語之李樵官

樵官曰此漁洋未審且風俗通吏趾太守有顧先者

顧即顧古文又玉海漢有校尉顧丹者是合顧先顧

丹二人名為一人如井又井之本又不必註音為膳

段樓酒席語之漏明齋漏以為樵官博雅更勝漁洋

云

春明夢餘錄北平孫永澤著考其國史商肅元盛時元孝王

遷居江華島元無如之何但責其不登陸而已竟臣

服於元而終不登陸至其子順孝王親迎王主元公

以元服同輦入國觀者駭愕時從行宗宰不開剝王

責之至英子忠烈王則宰相至下僚無不開剃惟禁
內學館不剃左承旨朴桓呼執事諭之於是館學生
皆剃髮云清之初起俘獲漢人必隨得隨剃而丁丑
之盟獨不令東人開剃蓋亦有由世傳清人多勸汗
宗清太令剃我國汗默然不應密謂諸貝勒曰朝鮮素
號禮義愛其髮甚於其頭今若強拂其情則軍還之
後必相反覆不如因其俗以禮義拘之彼若反習吾
俗便於騎射非吾之利也遂止自我論之幸莫大矣
由彼之計則特狃我以文弱耳







